

ერთის მხრივ, სსიპ - დევნილთა, ეკომიგრანტთა და საარსებო წყაროებით უზრუნველყოფის სააგენტო (შემდგომში – „შემსყიდველი“), წარმოდგენილი მისი დირექტორის ბესარიონ სიმონიშვილის სახით და მეორეს მხრივ, შპს „ჯი-თი მოტორს“ (შემდგომში „მიმწოდებელი“), წარმოდგენილი მისი დირექტორის, თემურ უსტიაშვილის სახით, შემდგომში ერთობლივად წოდებული მხარეებად, „სახელმწიფო შესყიდვების შესახებ“ საქართველოს კანონისა და „ელექტრონულ ტენდერში“ (NAT200016286) გამარჯვებული პრეტენდენტის სატენდერო წინადადების საფუძველზე, ვდებთ წინამდებარე ხელშეკრულებას შემდეგზე:

#### მუხლი 1. ხელშეკრულებაში გამოყენებულ ტერმინთა განმარტება

წინამდებარე ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – „შემსყიდველისა“ და „მიმწოდებლის“ მიერ ხელმოწერილი წინამდებარე ხელშეკრულება, მასზე თანდართული ყველა დოკუმენტით.
- 1.2. „ხელშეკრულების ღირებულება“ – თანხა, რომელიც უნდა გადაიხადოს „შემსყიდველმა“ „მიმწოდებლის“ მიერ „ხელშეკრულებით“ ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს „ხელშეკრულებით“ გათვალისწინებული „მომსახურების“ მიწოდებას.
- 1.6. „მომსახურება“ – „ხელშეკრულების“ მე-2 მუხლით გათვალისწინებული ხელშეკრულების საგანი.
- 1.7. „ინსპექტირება“ – „ხელშეკრულების“ პირობების შესრულების კონტროლი.

#### მუხლი 2. ხელშეკრულების საგანი.

- 2.1. ხელშეკრულების საგანს წარმოადგენს „შემსყიდველის“ სსიპ - დევნილთა, ეკომიგრანტთა და საარსებო წყაროებით უზრუნველყოფის სააგენტოს საჭიროებისათვის 9(ცხრა) ერთეული III კლასის მსუბუქი ავტომანქანის სახელმწიფო შესყიდვა (CPV 34100000 - ავტოსატრანსპორტო საშუალებები)
- 2.2. ავტომანქანების მოდელის დასახელება, რაოდენობა, ერთეულის ფასი და ჯამური ღირებულება მოცემულია დანართ N1-ში, რომელიც დაერთვის წინამდებარე ხელშეკრულებას და წარმოადგენს მის განუყოფელ ნაწილს.

#### მუხლი 3. ხელშეკრულების ღირებულება

- 3.1. „ხელშეკრულების ღირებულება“ შეადგენს 281 902.50(ორას ოთხმოცდაერთი ათას ცხრაას ორი ლარი და ორმოცდაათი თეთრი) ლარს დღგ-ს გათვალისწინებით.
- 3.2. ერთეული სატრანსპორტო საშუალების ღირებულებაა 31 322.50 (ოცდათერთმეტი ათას სამას ოცდაორი ლარი და ორმოცდაათი თეთრი) ლარი
- 3.3. „ხელშეკრულების ღირებულება“ მოიცავს როგორც მისაწოდებელი „საქონლის“ ღირებულებას, ასევე „ხელშეკრულების“ შესრულებასთან დაკავშირებით „მიმწოდებლის“ მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

#### მუხლი 4. საქონლის მიწოდების ადგილი და ვადა

- 4.1. „საქონლის“ მიწოდების ადგილია: ქ. თბილისი, თამარაშვილის 15ა, სააგენტოს ცენტრალური აპარატის შენობა.
- 4.2. „საქონლის“ მიწოდების ვადაა: ხელშეკრულების გაფორმებიდან 10 კალენდარული დღე. მიწოდებას უზრუნველყოფს მიმწოდებელი საკუთარი ხარჯებით (საქართველოს კანონმდებლობით განსაზღვრული ყველა სახის გადასახადის, მოსაკრებლის ჩათვლით, მათ შორის განზაფხებისა და სახელმწიფო რეგისტრაციის (შემსყიდველზე გადაფორმებისა და სტანდარტული ფასის სახელმწიფო სანომრე ნიშნების ჩათვლით) ხარჯების ჩათვლით).

#### მუხლი 5. მხარეთა უფლება-მოვალეობები



5.1. „შემსყიდველი“ უფლებამოსილია ნებისმიერ დროს განახორციელოს „მიწოდებლის“ მიერ ნაკისრი ვალდებულებების შესრულებისა და ხარისხის ინსპექტირება.

5.2. „შემსყიდველი“ ვალდებულია:

ა) უზრუნველყოს მიწოდებული „საქონლის“ ღირებულების ანაზღაურება „ხელშეკრულებით“ გათვალისწინებულ ვადებში;

ბ) „მიწოდებლისაგან“ „საქონლის“ მიღებისას შეამოწმოს მისი დასახელების, რაოდენობისა და ხარისხის შესაბამისობა „ხელშეკრულებისა“ და დანართის პირობებთან.

5.3. „მიწოდებელი“ უფლებამოსილია მოსთხოვოს „შემსყიდველს“ „საქონლის“ ღირებულების ანაზღაურება „ხელშეკრულებით“ გათვალისწინებულ ვადებში.

5.4. „მიწოდებელი“ ვალდებულია:

ა) მიაწოდოს „შემსყიდველს“ ნივთობრივად და უფლებრივად უნაკლო „საქონელი“, „ხელშეკრულებით“ გათვალისწინებული პირობების შესაბამისად;

ბ) „საქონლის“ მიწოდებასთან ერთად, „შემსყიდველს“ გადასცეს ყველა შესაბამისი დოკუმენტი;

გ) შესაბამისი შეტყობინების შემთხვევაში, დროულად აღმოფხვრას მიწოდებული „საქონლის“ შემოწმების შედეგად გამოვლენილი საწარმოო დეფექტის, წუნის, „შემსყიდველის“ მხრიდან რაიმე დამატებითი დანახარჯების გაწვევის გარეშე, წუნდებული საქონლის ან/და მისი ნაწილის გამოცვლის ან/და შეკეთების გზით;

დ) „საქონლის“ მიწოდებისას აცნობოს „შემსყიდველს“ ყველა განსაკუთრებული გარემოების შესახებ.

## მუხლი 6. გარანტია

6.1. მიწოდებული საქონლის ხარისხი უნდა შეესაბამებოდეს ფასთა ცხრილში აღნიშნულ მაჩვენებლებს.

6.2. დაწვრილებით ინფორმაცია საგარანტიო პირობებთან დაკავშირებით მოცემულია დანართ N2-ში, რომელიც დაერთვის წინამდებარე ხელშეკრულებას და წარმოადგენს მის განუყოფელ ნაწილს.

6.3. საგარანტიო პირობებით განსაზღვრული მოთხოვნები, ძალაშია მთელი საგარანტიო ვადის განმავლობაში, მიუხედავად ხელშეკრულების მოქმედების ვადის ამოწურვისა.

## მუხლი 7. ხელშეკრულების შესრულების უზრუნველყოფის გარანტია

7.1. ხელშეკრულების შესრულების უზრუნველყოფის საბანკო გარანტია განისაზღვრება ხელშეკრულების ღირებულების 2%-ის ოდენობით, რომლის მოქმედების ვადაც მინიმუმ 40 (ორმოცი) კალენდარული დღით უნდა აღემატებოდეს საქონლის (სატრანსპორტო საშუალების) მიწოდების საბოლოო ვადას.

7.2. „მიწოდებლის“ მიერ ხელშეკრულებით გათვალისწინებული ვალდებულებების დარღვევის (ხელშეკრულებით გათვალისწინებული ვალდებულებების შესრულებაზე უარის თქმა, ვალდებულების უხარისხოდ, არაჯეროვნად, არასრულად შესრულება და სხვა) შემთხვევაში, ხელშეკრულების შესრულების უზრუნველყოფის გარანტია, გამოიყენება ამ ხელშეკრულებით გათვალისწინებული ჯარიმებისა და პირგასამტეხლობის ასანაზღაურებლად.

7.3. „მიწოდებლისაგან“ დამოუკიდებელი მიზეზების გამო ხელშეკრულების შეწყვეტის შემთხვევაში „შემსყიდველი“ ვალდებულია „მიწოდებლის“ მოთხოვნისთანავე დაუბრუნოს მას ხელშეკრულების შესრულების უზრუნველყოფის გარანტია.

7.4. „მიწოდებელს“ ხელშეკრულების შესრულების უზრუნველყოფის გარანტია, ხელშეკრულებით გათვალისწინებული ვალდებულებების სრული და ჯეროვანი შესრულების შემთხვევაში, დაუბრუნდება მიღება-ჩაბარების აქტის გაფორმებიდან 3 დღის ვადაში.

## მუხლი 8. ინსპექტირება

8.1. „შემსყიდველი“ ვალდებულია ჩაატაროს ინსპექტირება ნებისმიერ ეტაპზე, რისთვისაც გამოყოფს უფლებამოსილ პირს, ხოლო „მიწოდებელი“ ვალდებულია ხელი შეუწყოს მას ინსპექტირების განხორციელების დროს.

8.2. ინსპექტირებას განახორციელებს ადმინისტრაციული დეპარტამენტის, მატერიალურ-ტექნიკური უზრუნველყოფის სამმართველოს უფროსი - შოთა შენგელია.

8.3. „შემსყიდველის“ შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია განახორციელოს ხარისხის კონტროლი და თუ ნასყიდობის საგნის მიწოდებამდე და მიღება-ჩაბარების აქტის გაფორმებამდე აღმოჩნდება წუნდებული „საქონელი“, „მიწოდებელი“ ვალდებულია „შემსყიდველის“ წერილობითი შეტყობინების საფუძველზე განსაზღვრულ გონივრულ ვადაში, გამოასწოროს აღნიშნული ნაკლი ან უზრუნველყოს ამ „საქონლის“ შეცვლა ახლით. ხოლო მიწოდების შემდგომ ნაკლის აღმოფხვრა განხორციელდება საგარანტიო პირობების შესაბამისად.



## **მუხლი 9. საქონლის მიღება-ჩაბარება**

9.1. „საქონელი“ მიღებულად ჩაითვლება მას შემდეგ, რაც მხარეთა უფლებამოსილი წარმომადგენლები ხელს მოაწერენ შესაბამის მიღება-ჩაბარების აქტს.

9.2. „შემსყიდველის“ მხრიდან ამ მუხლის 9.1. პუნქტში აღნიშნულ მიღება-ჩაბარების აქტს ხელს მოაწერს „ხელშეკრულების“ მე-8 მუხლის 8.2. პუნქტით განსაზღვრული უფლებამოსილი პირი.

## **მუხლი 10. ანგარიშსწორება**

10.1. ანგარიშსწორება ხორციელდება უნაღდო ანგარიშსწორებით ლარში, „საქართველოს 2020 წლის სახელმწიფო ბიუჯეტის შესახებ“ საქართველოს კანონით „შემსყიდველისათვის“ გამოყოფილი ასიგნებების ფარგლებში;

10.2. ანგარიშსწორება ხორციელდება სრულად, „საქონლის“ მიღება-ჩაბარების აქტ(ებ)ის ხელმოწერისა და კანონმდებლობით გათვალისწინებული დოკუმენტაციის „შემსყიდველისათვის“ წარმოდგენიდან 10 (ათი) სამუშაო დღის ვადაში.

## **მუხლი 11. ფორს-მაჟორი**

11.1. მხარეებს არ დაეკისრებათ პასუხისმგებლობა „ხელშეკრულებით“ გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია ფორს-მაჟორული გარემოებებით.

11.2. ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო „ხელშეკრულებით“ ნაკისრი ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემბარგოს დაწესება, სახელმწიფო გადატრიალება და სხვ.).

11.3. ფორს-მაჟორული გარემოებების დადგომის შემთხვევაში „ხელშეკრულების“ მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე, შეტყობინების ყველა შესაძლო საშუალებით, უნდა გაუზიაროს ინფორმაცია მეორე მხარეს, ასეთი გარემოებებისა და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით, აგრძელებს „ხელშეკრულებით“ ნაკისრი ვალდებულებების შესრულებას და ცდილობს გამოახსოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.

## **მუხლი 12. მხარეთა პასუხისმგებლობა**

12.1. „ხელშეკრულებით“ მხარეთა მიერ ნაკისრი ვალდებულებების შეუსრულებლობის შემთხვევაში, მათ დაეკისრებათ პასუხისმგებლობა კანონმდებლობით გათვალისწინებული წესით.

12.2. „ხელშეკრულების“ მე-4 მუხლის 4.2 პუნქტით განსაზღვრული „საქონლის“ მიწოდების ვადის გადაცილების შემთხვევაში, „მიწოდებელს“ ეკისრება პირგასამტებლო ყოველ ვადაგადაცილებულ დღეზე მიუწოდებელი „საქონლის“ ღირებულების 0,5%-ის ოდენობით.

12.3. „ხელშეკრულების“ დანართი N2-ის მე-2 პუნქტით გათვალისწინებული პირობების დარღვევის შემთხვევაში, „მიწოდებელს“ ეკისრება პირგასამტებლო ყოველ ვადაგადაცილებულ დღეზე, დაგვიანებით მიწოდებული დეტალის/მომსახურების ღირებულების 0,5%-ის ოდენობით ხოლო დანართი N2-ის მე-5 პუნქტით გათვალისწინებული პირობების დარღვევის შემთხვევაში, „მიწოდებელს“ ეკისრება პირგასამტებლო ყოველ ვადაგადაცილებულ დღეზე ხელშეკრულების ღირებულების 0,5%-ის ოდენობით.

12.4. „ხელშეკრულების“ მე-8 მუხლის 8.3 პუნქტით გათვალისწინებული პირობების დარღვევის შემთხვევაში, „მიწოდებელს“ ეკისრება პირგასამტებლო ყოველ ვადაგადაცილებულ დღეზე შეუსრულებელი ვალდებულების 0,5%-ის ოდენობით.

12.5. პირგასამტებლოს გადახდა არ ათავისუფლებს „მხარეებს“ „ხელშეკრულებით“ ნაკისრი ვალდებულებების შესრულებისაგან.

12.6. „მიწოდებელს“, ხელშეკრულებით ნაკისრი ვალდებულებების შეუსრულებლობის შემთხვევაში, დაეკისრება ჯარიმა „ხელშეკრულების“ ღირებულების 5%-ის ოდენობით.

## **მუხლი 13. ხელშეკრულებაში ცვლილებების შეტანა**

13.1. ნებისმიერი ცვლილება „ხელშეკრულებაში“ შესაძლებელია განხორციელდეს მხოლოდ წერილობითი ფორმით, ორივე მხარის უფლებამოსილი წარმომადგენლის ხელმოწერით.

13.2. თუ რაიმე წინასწარ გაუთვალისწინებელი მიზეზების გამო წარმოიშობა „ხელშეკრულების“ პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.



13.3. „ხელშეკრულების“ პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება „ხელშეკრულების“ პირობები „შემსყიდველისთვის“, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. „ხელშეკრულების“ პირობების გადასინჯვა ხდება საქართველოს კანონმდებლობით დადგენილი წესით.

13.4. საქართველოს სამოქალაქო კოდექსის 398-ე მუხლით გათვალისწინებულ შემთხვევაში, „ხელშეკრულების ღირებულების“ გაზრდა დაუშვებელია „ხელშეკრულების ღირებულების“ 10%-ზე მეტი ოდენობით.

**მუხლი 14. დავების გადაწყვეტა**

14.1. „ხელშეკრულების“ შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

14.2. თუ ასეთი მოლაპარაკების დაწყებიდან 10 (ათი) სამუშაო დღის განმავლობაში მხარეები ვერ უზრუნველყოფენ სადაო საკითხის შეთანხმებით მოგვარებას, ნებისმიერ მხარეს უფლება აქვს მიმართოს საქართველოს სასამართლოს დავის გადაწყვეტის მიზნით.

**მუხლი 15. ხელშეკრულების შეწყვეტა**

15.1. „შემსყიდველი“ უფლებამოსილია ცალმხრივად შეწყვიტოს „ხელშეკრულების“ მოქმედება, იმ შემთხვევაში, თუ „მიმწოდებელი“ ვერ უზრუნველყოფს ვალდებულებების შესრულებას, ასევე მოქმედი კანონმდებლობით დადგენილ სხვა შემთხვევებში.

15.2. „ხელშეკრულების“ ცალკეული პირობების მოქმედების შეწყვეტა არ ათავისუფლებს „მიმწოდებელს“ „ხელშეკრულებით“ განსაზღვრული სხვა ვალდებულებების შესრულებისაგან.

15.3. „ხელშეკრულება“ აგრეთვე შეიძლება შეწყდეს მხარეთა წერილობითი შეთანხმების საფუძველზე.

**მუხლი 16. ხელშეკრულების მოქმედების ვადა**

16.1. „ხელშეკრულება“ ძალაშია მხარეთა მიერ მისი ხელმოწერიდან და მოქმედებს 2021 წლის 31 იანვრამდე, გარდა მე-6 მუხლის 6.2. და მე-12 მუხლის 12.3. პუნქტებისა.

16.2. „ხელშეკრულების“ მე-6 მუხლის 6.2., 6.3. და მე-12 მუხლის 12.3. პუნქტები ძალაშია „საქონლის“ საგარანტიო პერიოდის განმავლობაში.



**მუხლი 17. სხვა პირობები**

17.1. „ხელშეკრულებით“ გაუთვალისწინებელი პირობები რეგულირდება საქართველოს კანონმდებლობით.

17.2. ხელშეკრულება შედგენილია ქართულ ენაზე და მასზე შესრულებულია კვალიფიციური ელექტრონული ხელმოწერა ან/და დასმულია კვალიფიციური ელექტრონული შტამპი, კანონმდებლობით დადგენილი წესის შესაბამისად.

17.3. „ხელშეკრულებასთან“ დაკავშირებული ნებისმიერი მიმოწერა უნდა განხორციელდეს ქართულ ენაზე.

**მუხლი 18. მხარეთა იურიდიული რეკვიზიტები**

„შემსყიდველი“	„მიმწოდებელი“
სსიპ - დევნილთა, ეკომიგრანტთა და საარსებო წყაროებით უზრუნველყოფის სააგენტო ქ. თბილისი, თამარაშვილის 15ა, საიდ.კოდი: 200293324	შპს „ჯი-თი მოტორს“ ს. კოდი: 206276340 მის: ქ. თბილისის, დავით აღმაშენებლის ხეივანის #155 ბანკი: სს საქართველოს ბანკი ბანკის კოდი: BAGAGE22 ა.ა. GE89BG 0000 0002 4762 4300
 ბესარიონ სიმონიშვილი დირექტორი	 თემურ უსტიაშვილი დირექტორი

ვიზირებულია:

შ. არუთინიანი

შ.შენგელია

მ.კიკალაიშვილი

ს.ზაუტაშვილი





დანართი N1

სატრანსპორტო საშუალება (მარკა, მოდელი, მოდიფიკაცია)	რაოდენობა (ცალი)	მწარმოებელი ქვეყანა	ერთეული ავტომანქანის ღირებულება (ლარი)	ჯამი (ლარი)
Ford Fiesta Trend (ფორდ ფიესტა ტრენდი) (გამოშვების წელი 2019 )	9	გერმანია	31322,50	281902,50
			ჯამი	281902,50

„შემსყიდველი“	„მიმწოდებელი“
<p>სსიპ - დევნილთა, ეკომიგრანტთა და საარსებო წყაროებით უზრუნველყოფის სააგენტო</p> <p></p> <p>ბესარიონ სიმონიშვილი დირექტორი</p> 	<p>შპს „ჯი-თი მოტორს“</p> <p>_____</p> <p>თემურ უსტიაშვილი დირექტორი</p>



საგარანტიო ვადა:

1) 5 წელი ძირითად აგრეგატებზე (ძრავა, ხიდი, გადაცემათა კოლოფი),

3 წელი ან 150000 კილომეტრ გარბენზე (რომელიც ადრე შესრულდება) სრულ ავტომანქანაზე, გარდა სწრაფცვითი ნაწილებისა და მასალებისა (ანტიფრიზი, ფრეონი, საბურავები, ელექტრონათურები, ელექტრომცველები, შუშის საწმენდი ჯაგრისები, გადაცემათა კოლოფის გადაბმულობის ქურო, გადაცემათა კოლოფის მომჭიმი საკისარი, გადაცემათა კოლოფის გადაბმულობის დისკი და საყრდენი დისკი);

2)-საგარანტიო პერიოდის განმავლობაში მიმწოდებელი ვალდებულია, ავტომობილზე გამოვლენილი ნებისმიერი საწარმოო დეფექტის აღმოფხვრა, შეკეთება ან საქონლის (დაზიანებული დეტალის/აგრეგატის) ახლით შეცვლა განხორციელოს საკუთარი სახსრებით, შემსყიდველის მიერ წერილობითი მოთხოვნიდან არაუმეტეს 5 (ხუთი) სამუშაო დღის ვადაში. აღნიშნული ვადა, მხარეთა შეთანხმებით შესაძლებელია განისაზღვროს არაუმეტეს 30 კალენდარული დღით. (კანონმდებლობით გათვალისწინებულ შემთხვევებში, რეალური ობიექტური გარემოების/აუცილებლობის დროს - ეს ვადა გაიზრდება გონივრული ვადით).

3) საგარანტიო პირობებით განსაზღვრული მოთხოვნები, ძალაშია მთელი საგარანტიო ვადის განმავლობაში, მიუხედავად ხელშეკრულების მოქმედების ვადის ამოწურვისა. ამასთან, საგარანტიო პერიოდში ტექ-მომსახურების გაწევისას გამოყენებული სათადარიგო ნაწილები/საცხებ-საპოხი მასალები უნდა იყოს მწარმოებლის მიერ რეკომენდირებული ახალი (ექსპლუატაციაში არმყოფი).

4) თანმდევი საგარანტიო პირობების ფარგლებში, გეგმიური ფასიანი მომსახურების განხორციელება უნდა მოხდეს თანმდევი მომსახურების დანართით წარმოდგენილ ცხრილში დაფიქსირებული ფასების შესაბამისად. მიმწოდებელმა გეგმიური მომსახურების ჩატარება უნდა უზრუნველყოს შემსყიდველის მოთხოვნიდან არაუგვიანეს 2 სამუშაო დღის განმავლობაში. მიმწოდებელი ვალდებულია უსასყიდლოდ განხორციელოს დადგენილი ფლობის ფარგლებში იმ კომპონენტების შეცვლა ან/და მომსახურება, რომელიც არ იქნება გათვალისწინებული ფლობის ღირებულებაში. გარდა სწრაფცვითი ნაწილებისა და მასალებისა (ანტიფრიზი, ფრეონი, საბურავები, ელექტრონათურები, ელექტრომცველები, შუშის საწმენდი ჯაგრისები, გადაცემათა კოლოფის გადაბმულობის ქურო, გადაცემათა კოლოფის მომჭიმი საკისარი, გადაცემათა კოლოფის გადაბმულობის დისკი და საყრდენი დისკი). აღნიშნული პირობა არ გავრცელდება შემთხვევებზე, როცა: - დამატებითი/რიგგარეშე სერვისის მიწოდების აუცილებლობა გამოიწვია შემსყიდველის მიერ ავტომობილის ექსპლოატაციის წესების დარღვევამ, და/ან თუ საგარანტიო პერიოდში დადგინდა შემსყიდველის მხრიდან საგარანტიო პირობების და/ან სავალდებულო თანმდევი მომსახურების პერიოდულობის ვადების დარღვევის ფაქტი“;

5) თუ სატრანსპორტო საშუალების მიწოდებიდან 30 დღის ან 1 000 კმ. გარბენის შემთხვევაში (რომელიც უფრო ადრე დადგება) ავტომობილის აღმოჩნდება საწარმოო დეფექტი ძირითად აგრეგატზე (ძრავა, გადაცემათა კოლოფი, ხიდი) მიმწოდებელი ვალდებულია სატრანსპორტო საშუალება შეცვალოს ახლით. (გარდა შემთხვევებისა, როცა დეფექტი განვითარდა შემსყიდველის მიერ ექსპლოატაციის წესების დარღვევით და/ან მისი სხვა ბრალული ქმედების გამო და/ან თუ შემსყიდველის მიერ დაირღვა საგარანტიო პირობების და სავალდებულო თანმდევი მომსახურების პერიოდულობის ვადები და/ან თუ ავტომობილის არსებული მდგომარეობა ბევრად უარესია ვიდრე ბუნებრივი ცვეთის გათვალისწინებით და აშკარად არის შემცირებული მისი საბაზრო ღირებულება).

**6) გარანტიის შენარჩუნების მიზნით შემსყიდველი ვალდებულია:**

-ა) შემსყიდველი ვალდებულია საგარანტიო პერიოდის განმავლობაში ავტომობილს და მის ნებისმიერ აღჭურვილობას ნებისმიერი სახის ტექნიკური მომსახურება ჩაუტაროს და ნებისმიერი სათადარიგო ნაწილები შეიძინოს მხოლოდ შ.პ.ს. “ჯი-თი მოტორს“-ის სერვის ცენტრებში; ეს სავალდებულო წესი ვრცელდება არამარტო ავტომობილის, არამედ შიდა აღჭურვილობის სერვისზეც, ასევე ნებისმიერ ტექნიკურ მომსახურებაზე (მაგ: საბურავის სარქველზე ან მის სენსორზე გაწეულ მომსახურებაზე); სავალდებულო პერიოდული (თანმდევი საგარანტიო) ტექნიკურ მომსახურება გაწეული იქნება მიმწოდებლის სერვის ცენტრებში: ქ. თბილისში დაღმაშენებლის ხეივანის №163-ში (საკონტაქტო პირი გიორგი წიქვაძე 597 182772); ბათუმში: სულხან საბა ორბელიანის №21-ში (საკონტაქტო პირი ალექსანდრე კალანდაძე 599 514 077); ქუთაისი ნიკეას ქუჩა №10/12; (ვასილ სალდაძე; 595 900 917) ავტომობილის ნებისმიერი სხვა სახის, მათ შორის საგარანტიო და/ან სამღებრო - სათუნუქე სერვისები ჩატარდება მხოლოდ თბილისის სერვის ცენტრში. ავტოსატრანსპორტო საშუალების ევაკუირების საჭიროების დადგომის შემთხვევაში, ავტომობილის ევაკუაციას სერვის ცენტრამდე განხორციელებს საგარანტიო სახის დაზიანების დროს - მიმწოდებელი, ყველა სხვა შემთხვევაში - შემსყიდველი თავისი ხარჯით. სერვის ცენტრები ფუნქციონირებს ყოველ დღე 10.00 საათიდან 18.00 საათამდე, კვირა და საქართველოს კანონმდებლობით განსაზღვრული უქმე დღეების გარდა;

-ბ) შემსყიდველი ვალდებულია საგარანტიო ვადის განმავლობაში დაიცავს კომპანიის სერვისში დადგენილი სავალდებულო პერიოდული მომსახურების პირობები და პერიოდულობა; ასევე, შემსყიდველმა უნდა განხორციელოს ზეთის სავალდებულო შეცვლა პირველ 10 000 კმ გარბენზე და შემდგომ ყოველ 10 000 კმ გარბენზე ან 12 თვეში ერთხელ, რომელიც ვადაც უფრო ადრე დადგება. გარბენებს შორის პერიოდში ზეთის დამატების საჭიროებაზე კონტროლი და საჭიროების შემთხვევაში ზეთის დამატების ხარჯი შემსყიდველს ეკისრება;

- დ) შემსყიდველი ვალდებულია არ მოახდინოს გარბენის მრიცხველის ნებისმიერი მიზეზით გათიშვა ან ცვლილება, ასევე აკრძალულია ქარხნულად დალუქული დეტალების ლუქის მთლიანობის დარღვევა; ყველა ზემოთაღნიშნულ მოთხოვნათა დარღვევის აღმოჩენის შემთხვევაში მიმწოდებელი უფლებამოსილია ვადაზე ადრე შეწყვიტოს გარანტია;



- 6.1) გარანტია არ ვრცელდება სათადარიგო ნაწილებზე, რომლებიც სწრაფცვვითადი დეტალების ნუსხას მიეკუთვნება, კერძოდ: ანტიფრიზზე; ფრეონზე; საბურავებზე, ელექტრონათურებზე, ელექტროდამცველებზე, შუშის საწმენდ ჯაგისებზე, გადაცემათა კოლოფის გადამშლობის ქუროზე, გადაცემათა კოლოფის მომჭიმ საკისარზე, გადაცემათა კოლოფის გადამშლობის დისკსა და საყრდენ დისკებზე;
- სამუხრუჭე ხუნდებზე და დისკებზე; სტაბილიზატორის რეზინებზე;
- იმ სტრუქტურულ და სათადარიგო ნაწილების დაზიანებებზე, რომლებიც გამოწვეულია სწრაფცვვითადი დეტალების (მაგ : საყრდენი დისკის, ხუნდის და ა.შ) დროულად გამოუცვლელიობით
- ანთების/გახურების სანთლებზე;
- გენერატორის და კონდიციონერის ღვედებზე
- იმ დეტალების ცვვლაზე, რომლებიც შეიცავენ რეზინს, კაუჩუკს, პლასმასს;
- სხვა სწრაფცვვითად დეტალებზე;
- 6.2) გარანტია არ ვრცელდება შემდეგ სამუშაოებზე:
- ძრავის რეგულირების კორექტირებასა და ძრავის დიაგნოსტიკაზე;
- დიაგნოსტიკასთან და სამუხრუჭე სტენდზე შემოქმედებასთან დაკავშირებულ სამუშაოებზე;
- საბურავებზე, საბურავის სარქველზე, წნევის ხენსორსა და სავალი ნაწილის გეომეტრიის კორექტირებაზე (ე.წ. რაზვალ-სხოდზე);
- კარების, კომპტის, საბარგულის სახურავის, ღუქის სახურავის რეგულირებაზე; ფარების განათების რეგულირებაზე;
- 6.3) გარანტია არ ვრცელდება შემდეგი გარემოებებით გამოწვეულ დაზიანებებზე:
- დაზიანებაზე, რომელიც არის გამოწვეული მძღოლის მიერ ავტომობილის უხეში და გაუფრთხილებელი მოხმარებით; ექსპლუატაციის წესების დარღვევით; როდესაც ავტომობილი ან მისი აღჭურვილობა გამოიყენება არასტანდარტული მიზნებისათვის; როდესაც დაზიანებულ და მასთან მიხეზ-შედგობრივად დაკავშირებულ ნაწილს აღენიშნება მექანიკური ან სხვაგვარი გარეგანი ზემოქმედების კვალი; ავტომობილის მწარმოებელის მიერ დადგენილი ზღვრული ტვირთამწვეობის გადამეტებით გამოწვეულ დაზიანებებზე;
- ისეთი დეტალების ცვვლაზე, რომელიც შეიცავს რეზინს, კაუჩუკს, პლასმასს.
- იმ სტრუქტურულ და სათადარიგო ნაწილების დაზიანებებზე, რომლებიც გამოწვეულია სწრაფცვვითადი დეტალების (მაგ: საყრდენი დისკის, საწვავის ფილტრის, ხუნდის და ა.შ) დროულად გამოუცვლელიობით;
- საავტომობილო შემთხვევებით, შეჯახებით, ხანძრით ან აფეთქებით, ყინვის ზემოქმედებით გამოწვეულ სათადარიგო ნაწილის დაზიანებაზე;
- მანქანის როგორც ელექტრო ენერჯის სტაციონარულ წყაროდ გამოყენების შედეგად გამოწვეულ დაზიანებებზე;
- ავტომობილის საქარხნო ელექტრო და მექანიკურ კომპონენტებში ცვლილებების შეტანის გამო გამოწვეულ დაზიანებაზე;
- თვითნებურად დამონტაჟებული ნაწილებზე, რომლებიც მწარმოებლის მიერ არ არის დამონტაჟებული, მაგალითად, ბოჭკოვან ტელეფონებზე, სიგნალიზაციებზე, ავტომატური ჩართვის სისტემებზე და სხვა;
- წყალში ღრმად ტარების შედეგად გამოწვეულ დაზიანებებზე; თუ ე.წ. ფარსუნებზე ნაპონია წყლის კვალი ან დაზიანება გამოწვეულია უხარისხო საწვავის მოხმარებით;
- გარანტია არ ვრცელდება და შესაძლებელია ავტომობილი მთლიანად მოიხსნას გარანტიიდან თუ ავტომობილი თვითნებურად გადაკეთებულია, დამატებულია ან შეცვლილია რაიმე ელემენტი, თუ დარღვეულია ავტომობილის და/ან მისი შიდა აღჭურვილობის ქარხნულად დალუქული დეტალების მთლიანობა;
- მწარმოებლის სტანდარტებთან შეუსაბამო საწვავის, ზეთების, გამაგრებელი, სამუხრუჭე, ჰიდრაულიკის და სხვა სითხეების გამოყენების შედეგად გამოწვეულ დაზიანებებზე;
- ბუნებრივი ცვვლით გამოწვეულ დაზიანებებზე; აკუმულატორებზე გარანტია ვრცელდება 6 თვის ვადით ან 20 000 კმ გარბენზე, რომელიც უფრო ადრე დადგება.

<p style="text-align: center;"><b>„შემსყიდველი“</b></p> <p>სსიპ - დევნილთა, ეკომიგრანტთა და საარსებო წყაროებით უზრუნველყოფის სააგენტო</p>  <p style="text-align: center;"> ბესარიონ სიმონიშვილი დირექტორი</p> <p style="text-align: center;"></p>	<p style="text-align: center;"><b>„მიმწოდებელი“</b></p> <p>შპს „ჯი-თი მოტორს“</p>  <p style="text-align: center;">_____</p> <p style="text-align: center;">თემურ უსტიაშვილი დირექტორი</p>
---	---

III კლასის მსუბუქი ავტომობილი		შეთავაზება
ცხენის ძალა არანაკლებ	75	85
გადაცემათა კოლოფი	მექანიკური, არანაკლებ 5 საფეხურიანი	მექანიკური, 5 საფეხური წინ
სიგრძე არანაკლებ	3840	4040
სიგანე არანაკლებ	1695	1941
სიმაღლე არანაკლებ	1450	1476
საგარანტიო პირობები	5 წელი ძირითად აგრეგატებზე (ძრავი, ხიდი, გადაცემათა კოლოფი), 3 წელი ან 150000 კილომეტრი (რომელიც ადრე შესრულდება) სრულ ავტომანქანაზე, გარდა სწრაფცვეთადი ნაწილებისა და მასალებისა (ანტიფრიზი, ფრეონი, საბურავები, ელექტრონათურები, ელექტრომცველები, შუშის საწმენდი ჯაგრისები, გადაცემათა კოლოფის გადაბმულობის ქურო, გადაცემათა კოლოფის მომჭიმი საკისარი, გადაცემათა კოლოფის გადაბმულობის დისკი და საყრდენი დისკი);	5 წელი ძირითად აგრეგატებზე (ძრავი, ხიდი, გადაცემათა კოლოფი), 3 წელი ან 150000 კილომეტრი (რომელიც ადრე შესრულდება) სრულ ავტომანქანაზე, გარდა სწრაფცვეთადი ნაწილებისა და მასალებისა (ანტიფრიზი, ფრეონი, საბურავები, ელექტრონათურები, ელექტრომცველები, შუშის საწმენდი ჯაგრისები, გადაცემათა კოლოფის გადაბმულობის ქურო, გადაცემათა კოლოფის მომჭიმი საკისარი, გადაცემათა კოლოფის გადაბმულობის დისკი და საყრდენი დისკი);
„უსაფრთხოების დამადასტურებელ დოკუმენტად შეიძლება ჩაითვალოს შემოთავაზებული მოდელის ნებისმიერ მოდიფიკაციაზე აღებული შესაბამისი ქრამტესტის სერტიფიკატი“.	NCAP (ევრო ქრამ ტესტი), IIHS (ამერიკული ქრამ ტესტი) ან JNCAP (იაპონური ქრამტესტი)	NCAP (ევრო ქრამ ტესტი (იხილეთ ლინკი ოფიციალურ ვებგვერდზე) <a href="https://www.euroncap.com/en/results/ford/fiesta/27708">https://www.euroncap.com/en/results/ford/fiesta/27708</a>
ელექტრო შუშები	მინიმუმ წინა ორი	წინა 2
აუცილებელი მოთხოვნა	სათადარიგო საბურავი	სათადარიგო საბურავი
აუცილებელი მოთხოვნა	წინა 2 უსაფრთხოების ბალიში	მძღოლის და წინა მგზავრის უსაფრთხოების ბალიში
აუცილებელი მოთხოვნა	კონდიციონერი	კონდინციონერი
აუცილებელი მოთხოვნა	აუდიო სისტემა, უკანა საქარე მინის ელ. გათბობა	აუდიონ სისტემა, უკანა საქარე მინის ელ. გათბობა
აუცილებელი მოთხოვნა	საჭის გამაძლიერებელი	საჭის გამაძლიერებელი
აუცილებელი მოთხოვნა	ABS	ABS
აუცილებელი მოთხოვნა	ნებისმიერი ფერი გარდა შავისა	თეთრი



საქონლის ტექნიკურ მახასიათებლებში მითითებულია მინიმალური მოთხოვნები, რომელსაც  
უნდა აკმაყოფილებდეს შემოთავაზებული საქონელი. პრეტენდენტს შეუძლია გაუმჯობესებელი მახასიათებლების მქონე საქონლის  
შემოთავაზება.

JI-TI  
MOTORS LLC

Подписано цифровой  
подписью: JI-TI  
MOTORS LLC  
Дата: 2020.11.02  
13:49:02 +04'00'